

## اتوار 8 جون، 2025

### مضمون۔ رب کلاہ ای وجہ تے خالق

سنہری متن: مکاشفہ 1 باب 8 آیت

”خداوند رب جیہڑا ہے اے تے جیہڑا ہے سی تے جیہڑا آؤن والا اے یعنی قادرِ مطلق آکھدا اے پئی میں الفاتے او میگاواں۔“

جوابی پڑھائی: یسعیاہ 45 باب 5، 6، 8، 9، 12، 18، 22 آیتاں

- 5- میں ای خداوندواں تے ہو رکوئی نہیں میرے سوا کوئی رب نہیں۔ میں تیری کمر بنھی بھانویں تو مینوں نہ بچھانیا۔
- 6- تاں جو مشرق توں مغرب تیکر لوکی جان لین پئی میرے سوا کوئی نہیں میں ای خداوندواں میرے سوا کوئی دو جانیں۔
- 8- اے اسمان اتوں ٹپک پے! ہاں بدل راستبازی ورھاؤن۔ دھرتی کھل جاوے تے مکتی تے سچائی دا پھل لیاوے۔ اوہ اوہناں نوں اکٹھے اگاوے۔ میں خداوند اوہنوں پیدا کرن والاواں۔
- 9- اوہدے اُتے افسوس جیہڑا اپنے خالق نال لڑدا اے! ٹھیکراتے دھرتی دے ٹھیکریاں وچوں اے کیہ مٹی کمہار نوں آکھے پئی تو کیہ بناؤنا ایں؟ کیہ تیری دستکاری آکھے پئی اوہدے تے ہتھ ہے نہیں؟
- 12- میں دھرتی بنائی اوہدے اُتے انسان نوں پیدا کیتا تے میں ای اسمان نوں تانیا تے اوہدے سارے لشکراں اُتے میں حکم کیتا۔

- 18- کیوں جے خداوند جنسے اسمان پیدا کیتے اوہ ای رب اے۔ اوہنے ای دھرتی بنائی تے تیار کیتی اوہنے ای اوہنوں قائم کیتا اوہنے اوہنوں بیکار پیدا نئیں کیتا بلکہ اوہنوں ابادی لئی سجایا۔ اوہ ایچ آکھدا اے پئی میں رب واں تے میرے سوا کوئی نئیں۔
- 22- اے دھرتی دی انتہاء دے رہن والیوتسی میرے ول دھیان کرو تے مکتی پاؤ کیوں جے میں رب واں تے میرے سوا کوئی نئیں۔

## درسی وعظ

## بائبل وچوں

### 1- پیدائش 1 باب 1، 26، 31 (توں پہلی) آیتاں

- 1- رب نے شروع وچ دھرتی تے اسمان نوں پیدا کیتا۔
- 26- فیر رب نے آکھیا پئی اسی انسان نوں اپنی صورت اُتے اپنی شبیہ وانگر بنائیے تے اوہ سمندر دیاں مچھیاں تے اسمان دے پرندیاں تے چوپائیاں تے ساری دھرتی تے سارے جانداراں اُتے جیہڑے دھرتی اُتے رھڑ دے نیں اختیار رکھن۔
- 31- تے رب نے سب اُتے جو کجھ اوہنے بنایا سی نظر کیتی تے ویکھیا پئی بوہت چنگاے۔

### 2- خروج 3 باب 1 توں 8 (توں؛)، 10 توں 12 (توں؛)، 13، 14، 17 (توں مصر) آیتاں

- 1- تے موسیٰ اپنے سَورے دیاں جیہڑا مدیاں داکا ہن سی بھھیڈ بکریاں چار داسی تے اوہ بھھیڈ بکریاں نوں ہنکاندا ہوئیا اوہناں نوں بیابان دے پر لے پاسیوں رب دے پہاڑ دے نیسٹے لے آیا۔
- 2- تے خداوند اک فرشتہ جھاڑی وچوں آگ دے چنگیاڑے وچ اوہدے اُتے ظاہر ہوئیا۔ اوہنے دھیان کیتا تے کیہ ویکھدا اے پئی اک جھاڑی وچ آگ لگی ہوئی اے پر اوہ جھاڑی سڑدی نیس۔
- 3- فیر موسیٰ نے آکھیا پئی میں ہن ذرا او دھر جا کے ایس منظر نوں ویکھاں پئی ایہہ جھاڑی کیوں نیس سڑدی۔
- 4- جدوں خداوند نے ویکھیا پئی اوہ ویکھن لئی کتر کے آرہیا اے تے رب نے اوہنوں جھاڑی وچوں آواز دتی تے آکھیا اے موسیٰ! اے موسیٰ! اوہنے آکھیا میں حاضر واں۔
- 5- فیر اوہنے آکھیا ایدھر کول نہ آ۔ اپنے پیراں توں جوتی لاکیوں جے جیہڑی تھاں تے توں کھلوتا ایں اوہ پاک دھرتی اے۔
- 6- فیر اوہنے آکھیا میں تیرے پیو دادے دارب یعنی ابراہام دارب تے یعقوب دارب تے اسحاق دارب واں۔ موسیٰ نے اپنا منہ لکویا کیوں جے اوہ رب اُتے نظر کرن توں ڈر داسی۔
- 7- تے خداوند نے آکھیا میں اپنے لوکاں دیاں تکلیفاں جیہڑے مصر وچ نیں خوب ویکھیاں تے اوہناں دی فریاد جیہڑی بیگار لین والیاں دے پاروں اے سنی تے میں اوہناں دے دکھاں نوں جان داواں۔
- 8- تے میں اتریا واں پئی اوہناں نوں مصریاں دے ہتھوں چھڑاواں تے اوس دیس وچوں کڈھ کے اوہناں نوں اک چنگے تے کھلے دیس وچ اڑاواں جتھے ددھ تے شہد وگدا اے۔
- 10- ایس لئی ہن آ میں تینوں فرعون دے کول گھلدا واں پئی توں میری قوم بنی اسرائیل نوں مصر وچوں کڈھ لیا نوں۔
- 11- موسیٰ نے رب نوں آکھیا میں کون ہنلاں جیہڑا فرعون دے کول جاناواں تے بنی اسرائیل نوں مصر وچوں کڈھ لیا نوں؟

- 12- اوہنے آکھیا میں ضرور تیرے نال رہواں گا۔
- 13- جد میں بنی اسرائیل دے کول جا کے اوہناں نوں آکھاں گا پئی تہاڈے پیو دادے دے رب نے مینوں تہاڈے کول گھلیاے تے اوہ مینوں آکھن پئی اوہناں کیاہ اے؟ تے میں اوہناں نوں کیاہ دساں؟
- 14- رب نے موسیٰ نوں آکھیا جو میں ہاں سو میں ہاں۔ ایس لئی توں بنی اسرائیل نوں ایج آکھیں پئی میں جو ہاں نے مینوں تہاڈے کول گھلیاے۔
- 17- تے میں آکھیاے پئی میں تہانوں مصر دے ڈکھ وچوں کڈھ لواں گا۔
- 3- خروج 14 باب 1، 2، 4 (توں پہلی)، 5، 8 (تے اوہ) (توں؛)، 10، 13، 21، 23، 26، 27، 30، 31 آیتاں

- 1- تے رب نے موسیٰ نوں آکھیا۔
- 2- بنی اسرائیل نوں حکم دے پئی اوہ پر ت کے مجدال تے سمندر دے وچ فی بیخروت دے مقابل بعل صفون دے اگے ڈیرے لاؤن۔ اوہ دے اگے ای سمندر دے کنڈھے کنڈھے ڈیرے لاؤن۔
- 4- تے میں فرعون دے دل نوں سخت کراں گاتے اوہ اوہناں دا بچھا کرے گاتے میں فرعون تے اوہ دے سارے لشکر اُتے ممتاز ہواں گاتے مصری جان لین گے پئی خداوند میں واں تے اوہناں نے ایج ای کیتا۔
- 5- جد مصر دے بادشاہ نوں خبر ملی پئی اوہ لوک ٹر پئے نیں تے فرعون تے اوہ دے خادماں دا دل اوہناں لوکاں ولوں پھر گیا تے اوہ آکھن لگے پئی اسی ایہہ کیاہ کیتا پئی اسرائیلیاں نوں اپنی خدمت توں چھٹی دے کے اوہناں نوں جان دتا۔
- 7- تے اوہنے چھ سوچنے ہوئے رتھ بلکہ مصر دے سارے رتھ لئے تے اوہناں ساریاں وچ سرداراں نوں بٹھایا۔
- 8- تے اوہنے اسرائیلی قوم دا بچھا کیتا۔
- 10- تے جد فرعون نیہرٹے آگیا تہ اسرائیلی قوم نے اکھ چک کے دیکھیا پئی مصری اوہناں دا بچھا کر دے آرہے نیں تے اوہ بوہت ڈر گئے تہ اسرائیلی قوم نے خداوند اگے فریاد کیتی۔

- 13- تد موسیٰ نے لوکاں نوں آکھیا ڈرونہ بلکہ چپ کھلو کے خداوند دی مکتی دے کم نوں ویکھو جیہڑا اوہ اج تہاڈے لئی کرے گا کیوں جے جنہاں مصریاں نوں تسی اج ویکھدے او اوہناں نوں فیر کدی ہمیشہ تیکر نہ ویکھو گے۔
- 21- فیر موسیٰ نے اپنا ہتھ سمندر اُتے ودھایا تے خداوند نے ساری رات تیز پور بی ہوا چلا کے تے سمندر نوں پچھاں ہٹا کے اوہنوں خشک دھرتی بنا دتا تے پانی دو حصے ہو گیا۔
- 22- تے اسرائیلی قوم سمندر دے وچوں خشک دھرتی اُتے اُتے ٹر کے لنگ گئے تے اوہناں دے سبجے تے کجے ہتھ پانی کندھ وانگر سی۔
- 23- تے مصریاں نے پچھا کیتا تے فرعون دے سارے گھوڑے تے رتھ سوار اوہناں دے مگر مگر سمندر دے وچالے ٹر گئے۔
- 26- تے خداوند نے موسیٰ نوں آکھیا پئی اپنا ہتھ سمندر ول ودھاتاں جو پانی مصریاں تے اوہناں دے رتھاں تے سواراں اُتے فیر وگن لگ جاوے۔
- 27- تے موسیٰ نے اپنا ہتھ سمندر اُتے ودھایا تے سویر ہندیاں ہندیاں سمندر فیر اپنی اصلی قوت وچ آگیا تے مصری پرت کے نسن لگے پر خداوند نے سمندر دے وچالے ای مصریاں نوں نیست کر چھڈیا۔
- 30- تے خداوند نے اسرائیلیاں نوں مصریاں دے ہتھوں ایس طراں بچایا تے اسرائیلیاں نے مصریاں نوں سمندر دے کنڈے اُتے مرے پئے ویکھیا۔
- 31- تے اسرائیلیاں نے اوہ وڈھی قدرت جیہڑی خداوند نے مصریاں اُتے ظاہر کیتی سی ویکھی تے اوہ لوک خداوند توں ڈرے تے خداوند اُتے تے اوہدے بندے موسیٰ اُتے ایمان لیاے۔

#### 4- عبرانیوں 11 باب 1، 24، 27، 29 آیتاں

1- ہن ایمان اُمید کیتیاں ہوئیاں شیواں دا اعتماد تے نہ ویکھیاں شیواں دا ثبوت اے۔

- 24- ایمان پاروں ای موسیٰ نے وڈھے ہو کے فرعون دی دھی داپتر اکھوان توں انکار کیتا۔
- 27- ایمان پاروں ای اوہنے بادشاہ دے غصے توں نہ ڈر کے مصر نوں جھڈ دتا۔ ایس لئی پئی اوہ نہ دیکھے ہوئے نوں جیویں دیکھ کے ثابت قدم رہیا۔
- 29- ایمان پاروں ای اوہ بحر قلزم توں ایش نکل گئے جیویں سکی تھان توں تے جد مصریاں نے ایہہ کوشش کیتی تے ڈب گئے۔

## 5- استثناء 34 باب 10 توں 12 آیتاں

- 10- تے اوس ویلے توں ہن تیکر بنی اسرائیل وچ کوئی نبی موسیٰ وانگر جنسے خداوند نال آمنے سامنے گلاں کیتیاں ہوون نئیں اٹھیا۔
- 11- تے اوہنوں خداوند نے مصر دیس وچ فرعون تے اوہدے سارے خادماں تے اوہدے سارے ملک دے سامنے سارے نشان تے عجیب کم دکھان نوں گھلیا سی۔
- 12- ایش موسیٰ نے سارے اسرائیلیاں دے سامنے زور آور ہتھ تے وڈھی ہیبت دے کم کر کے دکھائے۔

## 6- زبور 114:7 آیت

- 7- اے دھرتی توں رب دے سامنے۔ یعقوب دے رب دے سامنے کمب۔

## سائنس تے صحت

1- 25-20:583

خالق۔ روح؛ سیان ساری چنگلیائی تے اصلیت دے الہی اصول اُتے زور دین والا؛ آپ موجود حیاتی، سچپائی تے پیار؛ اوہ جیہڑا کامل تے ابدی اے؛ مادے تے بدی دا مخالف، جید اکوئی اصول نئیں؛ رب جنسے اوہ سب کجھ بنایا جیہڑا بنیا ہو نیاسی تے اپنے آپ دے مخالف کوئی ایٹم یا عنصر نہ بنا سکیا۔

2- 7-4:139 (توں؛)

شروع توں اخیر تیکر، سارا کلام پاک مادے اُتے روح، سیان دی فتح دے واقعاں نال بھریا ہو نیاسی۔ موسیٰ نے سیان دی طاقت نوں ایہدے راہیں ثابت کیتا جنہوں انسان معجزے آکھدا اے۔

3- 8-6:321

عبرانیاں نوں شریعت دین والا، بولن وچ دھیما، جو کجھ اوہدے اُتے ظاہر ہو نیاسی اوہ لوکاں نوں سمجھاؤن توں مایوس سی۔

4- 21-18:89

سیان لازمی گل نسیں پئی تعلیمی مرحلیاں اُتے انحصار کرے۔ ایہہ آپ ای سارا سوہنا پن تے شاعری تے ایہناں نوں  
ظاہر کرن دی طاقت رکھدا اے۔ روح یعنی رب نوں تدا سنیا جاندا اے جدوں حساں چُپ ہوون۔

5-9:583

بنی اسرائیل۔ جنہ دے نمائندے، نہ پئی بدنی حس دے؛ روح دی اولاد، جیہڑی، غلطی، پاپ تے فہم دے نال لڑائی  
کر دیاں ہوئے، الہی سائنس دی حکمرانی میٹھاں رہندے نیں؛ رب دے کجھ خیال انسان دے طور تے دکھالی دیندے  
نیں، غلطیاں نوں دور کر دے نیں تے بیماراں نوں شفا دیندے نیں؛ اوہ مسیح دی اولاد نیں۔

6-18-15، 10-8:133

مصر وچ، ایہہ سیان ای سی جسے اسرائیلیاں نوں و بانواں اُتے بھروسہ کرن توں بچایا۔ بیابان وچ، چٹان توں ندیاں  
وگیاں، تے آسمان توں من ورھیا۔۔۔ غیر قوماں دے وچالے قید وچ وی، الہی اصول نے رب دے لوکاں لئی آگ  
دی بھٹی وچ تے بادشاہ دے محلاں وچ عجیب کم دکھائے۔

7-11-31:134

اک معجزہ رب دے قانون نوں پورا کر دالے، پر اوس قانون نوں توڑ دانیس۔ ایہہ سچائی آپ معجزے توں بوہتی پُر  
اسرار لگدی اے۔ زبور لکھن والے نے ایہہ گایا سی: ”اے سمندر تینوں کیہ ہوئی پئی تونس دا ایس؟ اے یردن! تینوں

بائبل دا ایہہ سبق پہلین فیڈ کر چن چرچ، آزادولوں تیار ہو یا۔ ایہہ کنگ جیمز بائبل دیاں آیتاں تے میری ٹیکرا ایڈی دی لکھی ہوئی کر چن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں  
ہوئیاں لازمی تحریراں نال بنیا۔



کیہ ہو نیاپی تو چچھا ہٹد ایں؟ اے پہاڑ و تہانوں کیہ ہو نیاپی تسی مینڈھیاں وانگر پڑکدے او؟ اے پہاڑ یو تہانوں کیہ ہو نیاپی تسی بھید دے پچیاں وانگر پڑکدیاں او؟ اے دھرتی تو رب دے سامنے۔ یعقوب دے رب دے سامنے کب۔“ ایہہ معجزہ کسے اختلاف د تعارف نسیں کراؤندا، بلکہ رب دے ناقابل تبدیل قانون دی سائنس نوں قائم کردیاں ہوئے بنیادی ترتیب نوں واضح کردا اے۔ بس روحانی ارتقاء ای الہی قوت دی مشق کرن دے قابل اے۔

اوہ ای طاقت جیہڑی پاپ توں شفا دیندی اے اوہ بیماری توں وی شفا دیندی اے۔

8 - 25-12:256

”سن اے اسرائیل! خداوند ساڈا رب اک ای خداوند اے۔“

ابدی ”میں واں“ بدنی انسانیت دی تنگ حداں وچ بنھیا ہو نیاسکھیا ہو نیاسکھیا اے، تے نہ ای اوہنوں فانی خیالاں دے راہیں ٹھیک طراں سمجھیا جاسکدا اے۔ ایس اک وڈھے سوال دے مقابلے وچ رب دی اصلی صورت ذرا اہمیت رکھنی چاہیدی اے، پئی لامحدود سیان یا الہی پیار کیہ اے؟

ایہہ کون اے جیہڑا ساڈی فرمانبرداری دی مانگ کردا اے؟ اوہ ای، کلام دی بولی وچ، ”جیہڑا اسمانی لشکر تے اہل زبان دے نال جو کجھ چاہندا اے کردا اے تے کوئی نسیں اے جیہڑا اوہدا ہتھ روک سکے یا اوہنوں آکھے پئی توں کیہ کردا ایں؟

لامحدود پیار نوں پیش کرن دی صورت نہ ای کوئی بدنی مجموعہ مناسب اے۔

## 9- 9:566-1

جیویں بنی اسرائیل نوں بحر قلزم، انسانی ڈردے تاریک اتار چڑھاؤ، توں لنگدیاں ہوئے فتح مند ی ملی، جیویں اوہناں نوں بیابان وچ، انسانی امیدیاں دے وڈھے صحر اوچ تکلیفاں وچوں لنگدیاں ہوئے، تے وعدہ کیتی ہوئی خوشی دی توقع کردیاں ہوئے، رہنمائی ملی، او سے طراں سمجھ توں روح تیکر، وجودیت دے مادی فہم توں روحانی فہم تیکر دے سفر دے دوران روحانی خیال ساریاں خواہشاں دی راہنمائی کرے گاتے اوہناں ساریاں نوں جلال لمی تیار کرے گا جیہڑے رب نال پیار کر دے نیں۔

## 10- 26:124 (اسی)-31

اسی طاقتاں دے پیراں مگر ٹردے آں۔ ایہناں نوں چھڈ دیئے تے مخلوق نیست ہووے گی۔ انسانی علم ایہناں نوں مادے دیاں طاقتاں آکھدا اے، پر الہی سائنس ایہہ واضح کردی اے پئی اوہ پورے طور تے الہی سیان دے نال تعلق رکھدیاں نیں تے ایس سیان وچ میراث رکھدیاں نیں، تے ایچ اوہناں نوں اوہناں دے جائز گھرتے درجہ بندی وچ بحال کردی اے۔

## 11- 17:468 (مواد)-24

مواد اوہ اے جیہڑا ابدی اے تے نیست ہوون تے مخالفت توں بچیا اے۔ سچیاں، حیاتی تے پیار مواد نیں، جیویں پئی کلام عبرانیوں وچ ایہہ لفظ ورت دا اے: ”ایمان اُمید کیتیاں ہوئیاں شیواں دا اعتماد تے نہ ویکھیاں جان والیاں شیواں دا ثبوت اے۔“ روح، جیہڑی سیان، جان یارب لمی دو جالفظ اے کلا ای اصلی مواد اے۔ روحانی کائنات جیدے وچ انفرادی انسان وی شامل اے، اک اکٹھا خیال اے، جیہڑا روح دے الہی مواد دا پرچھانواں اے۔

بائبل دا ایہہ سبق پلین فیلڈ کرچن پرچ، آزادولوں تیار ہو یا۔ ایہہ کنگ جیمز بائبل دیاں آیتاں تے میری ٹیکر ایڈیٹی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریریاں نال بنیاں۔

## 12- 5-28:278

اوہ سارا کجھ جیدے لئی اسی پاپ، بیماری تے موت دی اصطلاح ورت دے آں فانی یقین اے۔ اسی مادے دی تشریح غلطی دے طور تے کر دے آں کیوں جے ایہہ حیاتی مواد تے سیان دائلٹ اے۔ جے روح اصلی تے ابدی اے تے مادہ اپنی فانیت دے نال اصلی نسین ہو سکدا۔ ساڈی نظر وچ کیٹھری شے مواد ہونی چاہیدی اے، غلطی، تبدیل کرن والا، فنا ہوون والا تے فانی، یا فیر غلطی توں پاک، ناقابل تغیر تے لافانی؟ نوں عہد نامے داک لکھاری تفصیل نال ایمان یعنی سیان دے معیار نوں ”امید کیتیاں ہوئیاں شیواں دے اعتماد“ دے طور تے بیان کر دالے۔

## 13- 2-25:226

لنگڑا، گنگا، بولا، انھا، بیمار، جنس پرست، پاپی، میری خواہش سی پئی ایہہ اپنے عقیدیاں دی غلامی توں تے فرعون دے تعلیمی نظام توں رہائی پان، جیہڑے اج، ماضی وانگر، اسرائیلی قوم نوں قید وچ رکھ دے نیں۔ میں اپنے سامنے خوفناک تصادم دیکھیا، بجیرہ قلمز تے بیابان؛ پر میں رب اے ایمان رکھ کے، سچیائی، مضبوط مکتی داتا تے بھروسہ کر کے سفر جاری رکھیا، پئی اوہ مینوں کر سچن سانس دی دھرتی وچ راہنمائی دیوے، جتھے بیڑیاں ٹٹ جانیاں نیں تے انسان دے حق نوں پورے طور تے سمجھیا تے نیا جاندا اے۔

## 14- 23-9:516

رب ساریاں شیواں نوں اپنی شبیہ اُتے بناؤندا اے۔ حیاتی وجودیت نال، سچائی راستی نال، رب نیکی نال منعکس ہندا اے، جیہڑے اپنی سلامتی تے استقلال نوں عنایت کردے نیں۔ محبت، بے غرضی نال معطر ہوکے، ساریاں نوں خوبصورتی تے لوناں نہواؤندی اے۔ ساڈے پیراں پیٹھاں کاہ خاموشی نال آکھدی اے پئی، ”حلیم دھرتی دے وارث ہون گے۔“ معمولی قطب دی جھاڑی اپنی مٹھی خوشبو اسماں ول گھلدی اے۔ وڈھی چٹان اپنا پرچھانواں تے پناہ دیندی اے۔ سورج دی لوچرچ دے گنبد وچوں چمکدی اے، قید خانے اُتے ڈگدی اے، بیمار دے کمرے وچ پیندی اے، پھلاں نوں روشن کردی اے، دھرتی دے منظر نوں سوہنا بناؤندی اے، دھرتی نوں برکت دیندی اے۔ انسان، اوہدی شبیہ اُتے بنائے جان نال پوری دھرتی اُتے رب دی حاکمیت دا پرچھانواں بن داتے ملکیت رکھدا اے۔ بندہ تے بڈھی ہمیشہ لئی رب دے نال ابدی تے ہم عصر، جلالی خوبی وچ لا محدود مادہ پدرب رب دی عکاسی کردے نیں۔

## روزانہ دے فرض

میری بیکریڈی ولوں

## روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

## مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے

بائبل دا ایہہ سبق پلین فیلڈ کرچن چرچ، آزادولوں تیار ہو یا۔ ایہہ کنگ جیمز بائبل دیاں آیتاں تے میری بیکریڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاں۔

معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکناں نوں سارے پاپاں توں، غلط طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہیدا اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

## فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔